

*A Monthly Christian Magazine*


AN ORGAN OF THE ZOU PRESBYTERIAN CHURCH SYNOD

# Khristian Tangkou

ဃုဝါကရိတိသဗ္ဗ တိဝဗ္ဗဗျာန

Vol. 58 || No. 6

June, 2022



**Editor: Rev. Khamchinkhai**

Synod Kumpuon:

**KEMTU GIN-UM**

[I Korin 4:2]

# Khristian Tangkou

Vol. No. 58 || Issue No. 6 || June, 2022

# A sung thu

## Editorial Board

Editor : Rev. Khamchinkhai - 8730933744  
 Joint Editor : Rev. Dr. Hangpi Maunlun - 9862910875  
 Cir. Manager : Upa Jamsianmung - 9862086615  
 Bus. Manager : Upa Kamgenpau - 8974612937

Ms. Niangkhanmang  
 Nh. Tracy Niangsuannuam  
 Nh. Suanneiching

Cont. Editors : Rev. Awnkhanhup  
 Rev. Zamlianpau  
 Rev. Lamsuanthang  
 Upa Khupsuankham  
 Upa Khaiminlian  
 Upa Thangzasuan

## ZOU SYNOD ULIENTE

- **Moderator:**  
Rev. G. Mangmuanthang
- **Moderator Elect:**  
Rev. Thangboi Khuongsai
- **Secretary (Sr):**  
Upa Chinsuanthang
- **Secretary (Jr):**  
Upa Siendeithang
- **Treasurer:**  
Upa M. Sianzahau
- **Statistician:**  
Upa T. Hauzalam
- **Executive Secretaries:**  
Rev. Khamchinkhai  
Rev. Dr. Hangpi Manlun

- Editorial..... 01
- Thu tuomtuom & Thumpi ding ..... 04
- Kemtu gin-um ..... 05
- Kemtu gin-um ..... 07
- Thuhun Leptuohna ..... 10
- Hagau Siengthou hina ..... 15
- Sawmakhat pieh dan ..... 20
- ZPYF Column ..... 21
- ZPWF Column ..... 24

Copies - 1200

### AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



*Editorial*

# PENTECOST MESSAGE

*Upa Khupsuankham*

## **Thumapui:**

Pentecost kichi Greek ham a pat a lahkhiat “Sawm ngana” (50) Mangpa Jesu han a pat a athawkia ni a pat a ahapta sagina china ahia, tuapen ni Sagini masapen a Khrist thawkiani apat a sim ahi. Nisagi sunga ni masapen gamasa Annkuongluina a pang ding a mun tuomtuom a pat ham tuomtuomte Jerusalem a ang peikhawmna ni uh ahi (Nas. 2:1ff).

Pentecost Hattuum, Pentecost ni a Hagau Siengthou hingtun in hattuum ang ding khie hi. Tam hunlai a Hattuum pawlpi kithuokhawmte leh gingu mimalte hinkhuo tunia Hattuum leh gingtuten i ettawn ding ua hoi tampi um hi. Hagau siengthou hing tun masang leh ang tun zou a i hindan uh et in sil kiheng lamdang tampi muthei in a um a, tuate khu tam anuoi a bang in muthei in a um hi. Tuate khu tam anuoi a bangin envai.

**Khatna ah**, lungsim munkhat a umna, nichin amau utdan leh hoisah dan a khosa mailou in Pasian leh a puina nuoi ah lungsim munkhat leh pumkhat in a umthei uhi.

**Anina ah**, bangkim kitaang ahensa leh aneizoute ziehin a genthei leh taga ten nop asa ua, michin kidaidanna umlou in bangma zousie

a kittang uhi. Tulai eite dinmun ah Hattuum leh khotaang hinkhuo ah azawng leh ahaute kikaal khu agamla hi. Ahaute hau deudeu, azawngte genthei deudeu, gingtu leh gingtu “Sil” banga sum bawlna kinei chipen tam Pentecost ni a Hagau Siengthou phu Hattuum hinkhuo hi ngailou hi.

### **Pentecost nia Hagau Siengthou Nnasep:**

Pentecost nia Hagau Siengthou thuchiem angton kuon a siltung tamloute leh atun nua a siltung zousate i en ding uhi.

**Khatna ah,** Thakhat in Van a pat a huipi hattah laang ginbanga um (Nas. 2:2). Hagau Siengthou silbawltheina a ang kilat ding chiengin hui hatdan leh nasep dan toh tekkin in a um zel hi. Hagau Siengthou khu muthei lou ahivangin silbawltheina hattah nei ahia, huipi hattah bang, meikuong leh hui bang leh hilou mihilna nei ahi.

**Anina ah,** Leite ama leh ama kihawmzah in meikuong bangin atung uoh khat chiet in angto ta hi (Nas. 2:3). Tamson ah, Hagau Siengthou in mimal mal tunga nnasep dan a genna ahi. Meikuong bang lei in mihingte lungtang giloute ahalsieng theina leh Khrist theipina thugen dinga leitunga sawlkhieh ahina ni agen hi.

**Athumna ah,** “A touna uh a suhdim sieng” (Nas. 2:3). Huipi laang gin hattah in atouna uh aluodim bang in Hagau Siengthou in mihingte hinna aheng lamdanga, hinna tha ahing tun a, a unpun Hagau Siengthou thuneina nuoi ah a umsieng uhi.

**Alina ah,** Leite kihawmzah in (Nas. 2:3). Hagau Siengthou in mimal malte hinna ah nna asem a, tua mimal malte tungtawn ma in khovel ah Khantanhoi puonzah ding agen hi. Hagau a dim kichia, kihoupithei tuom, kihoupi theilou tuom, ngaituom, ngailou tuom nei kichi pen Hagau Siengthou nasep dan ahisih hi.

**Angana ah,** Hagau Siengthou in a dim ua, Hagau in a hamsah bangzel in hamtuom tuomin ahing hamta uhi; (Nas. 2:4). Pasion deilam leh kipahna lam thu mai Hagau Siengthou puina in agen uhi. Amau utthu mai amawh gen sih ua, tua ahiman in nichin dinmun kibanga lungsim munkhat nei in a kithuokhawm uhi. Michin akipah chiet ua, Mangpa’n zong amaute lah ah ‘Nichin in hundam tate akibelap chi imu uhi. Eite lah ah zong tua bang a itun vesam na ding

in Pentecost na nazang masate etton in inei chiet ding uhi.

## PENTECOST NI BANG IN

“Aw Hagau siengthou hing pei in Ka ha suhal dingin Hing musahin ka ginna uh,

### *Khumi gamnuam pen khu” (3)*

**Hagau-Siengthou** neimi leh neiloumi pen akikhe mama hi. Hagau Siengthou suhsiengna, suhhatna leh suhnouna panglou in gingtu hinkhuo pen ahasa mama hi. Tuabanga hagau pawlna tangmi pen hagaumi tahtah ma ahi chi ding ahi.

Pienthana pen Pasion Hagau pawlna in a zui leh anou gige thei a, anop aha **ITNA** toh apawtou zel a, tuami in singlamte silbawlheina a piehbe a, kingainiemna leh chinuom chi nuom in gingtute/semute aum zel uhi. Tua hagau in aneitu khu mitoh a kilemsah a, mitoh a ki iitsah a, mitoh a kigopsah thei hi. Mite ngawngate dih leh maw leh apaw kengkunga hinanlehzong min hagau lungnopna toh apuoh ziehin ama a dingin puong zangkhai asuoh hi.

Pentecost Hagau-Siengthou khu mihing a pat a kuon ahisih a, Pasion a pat a hing kuon, itna kiching, zainemna kiching (Gal. 5:22-23) toh hing kuon ahizaw hi. Tua hagau gaate khu tunglam guolzawlta ahia, tuanah pilna leh umdan hoi a bukim hi. Pasion a mpiengtha te satan ding vot ahi. Tua Hagau Siengthou pawlna liim ah ASIENG ABUO a umdieh sih a, Pasion hepina sungah akhiel adih a itna a kibang a, ahivang in thugen a mang ding hitaleh a zahnop dan akikhe ding hi. Pentecost ni in hagau in mikhielte dinmun aheijang a, mangthai lainatna apie a, kilemna leh dihtatna apie hi. Hagau Siengthou nasepna khu tahsa pilna leh tahsa mit a theitheilou ahia, Hagau mit a mu ding ahizaw hi. Pentecost nia hagau ichi sesena pen hagau atam a abul toh i genkhawm sih leh akichienlou bang khava chia, abul themkhat igen uh ahi.

Mangpa'n simtute zousie hing guolzawlta hen.

.....

# Thu tuomtuom leh Thumpi dingte



1. Pasion mapuina toh May 31, 2022 (Tuesday) ni in Pastor-te leh Pastoral Committee member-ten kimutuona leh houlimkhawmna nei ua, tuanah thumkhawmna zong nei in lawchingtah in zou uhi.
2. Kum dang a i bawl zel ma bang un Pentecost Sunday (PCI Assembly Day of Prayer) June 5, 2022 ahia, PCI apat lai kimu bang in thupi ding in “Tawndan tuomtuomte lah ah Hattuumte” chi thupi a zah hiding hi. Tuaban ah PCI Office a semtute, PCI toh kithuo a i Mission Field te uh leh Synod a i Semtute uh i thumna uah thei chiet va ui.
3. Apeisa June 20, 2022 in 18th Zou Synod Session thuphasah bang in Sound Operating Workshop Training um a, tuanah Hattuum chin apat mi-160 vel peikhawm in lawchingtah a zah zou ahita hi. Tualeh tam hun ah Pro. Pastor Samuel Khamsuankhai in Sinsahna nei in Jinglam 11:00am apat 2:00pm tan in kinei hi.
4. 18th Zou Presbyterian Church Synod Session thuphasah bang in ahing tung ding June 16-25, 2022 sung Presbytery level ah Solfa zilna nei ahiding a, tuanah Manipur Gam Presbytery a ding in Awnchinkap Khuo, Manipur Eastern Presbytery a ding in Tuining leh Zoutang Presbytery a ding in Singngat khuo ah nei hiding hi. Tualeh tam Training a Sinsahtu dingte tam anei a te ahi uhi.

P/P Samuel Khamsuankhai, Maukot (ZTP)  
Kaplung, Tangpijol (ZTP)  
Langkhenthang, Hiangzou (MEP)  
Hangkhanmuan, Teisaljang (MEP)  
Liansianlal, Immanuel khopi (MGP)  
Manglung, Central Church, Zoveng (MGP)

Tam Training lawching tah a i zaw theina ding un i thumna uah laan chiet va ui.

5. Ahing tung ding June 16, 2022 chieng in ZPWF in kum chin a ana bawl bang un Anngawl thumkhawmna Presbyterian Church of India, Muollum (ZPCS) Biehinn ah kinei ding ahia, lawching tah a zaw a hi theina ding in i thumna uah laan in haw sawm chiet va ui.

.....

## KEMTU GIN UM

(I Kor. 4:2)

Upa Khaichinmang  
Tongdam P. Church

### Thumapui.

Pasian in Nu leh Pa te ama deina bang kep ding ta leh nau ahing pie a akhente, Ta apesih a, amaute genthei liengvai ta neite panpi ding in asiem hi. Noah in ginum tah in aji atate akep zieh in. Tuisang let in a innkuon un hundam in a um uhi (Gen. 6: 22, 7:13). Joshua in ginum tahin Pasian deina bang a innkuonte akep zieh in kim diemdiem in Pasian nna asem uhi. Joshua 4: 15. Eiten itate Pasian deina bang in kim diemdiem in Biehinn a kaina uoi? I Mangpa Jesu hing pei leh Vangam ah i kim na ding uoi? Semtute'n Hattuum akepdan Pasian alungkim na diei? Tam anuoi a bangin ka ngaidan ka hing kum hi.

### A. NU LEH PATEN TATE KEPNA:

Nu leh Pate'n itate Pasian deina bang a ikep theina ding ei Nu leh Pate Pasian deina bang a hinkuo zah masah ding ahi. Eiten Pasian thu i mang leh i taten Pasian thu amang ding ahi mai hi. Tulai a Pastor, Upa, L/Upa te, suon a pa leh nu te'n khamthei bawl guta te imuda mama ua, zong ihuo mama uhi. Pasian in ama sumpi gute ahua in amuda mama ding

in ka gingta hi. Mi sum guhte imuda a, ei sum gute athat ut phiel hi. Mangpa sumpi na gu leh na khang agui akitan ding a, na khang apei leh zong khang genthei ahi ding hi. Na pa, nu na lunglut na lam natate zong ahing lunglut ding ahi. Mi kiphah nahi leh na tate ahing kiphah ding a, michip nahi leh na tate ahing chip ding hi. Etsahna ding in, Sakhi na hi leh na tate Sajuh hilou ding ahi. Biehna silpieh, Bible sim,

Missionary, Dihtatna, Ginumna a lunglut nahi leh natate zong ahing lunglut ding uhi. Tuachiin kim dimdiem in Biehinn i kai ding ua, Vangam ah kim diimdiem in alut ding uhi.

### **B. SANGSYE TEN NAUPANGTE AKEPDAN:**

Innsung/Hattuom anopna ding leh a pichinna ding khu, Sangsye ten naupangte gin umtah a akep uh leh innsung/hattuom apiching sa ahiman in, tawlnga man lou zen in gin umtah in akem uhi. Tua i School a kai naupangte hing piching in, akhente Pastor, Evangelist, Officer, Mahajon etc ahing gahsuo ding uhi.

### **C. EVANT. TEN HATTUOM AKEPDAN:**

Evangelistten Hattuom akepna ua, ka gim ka tawl chi lou in khawsa pan kai zen in Hundamna thu innchin/kilchin tuon kawikawi in gin umtah a sem ua, tuazieh in Hundamna tang/nga hing pung zungzung in Hattuom sung ah halna tha thupitah hing tung in mite akipah mama uhi.

### **D. PASTOR, P/PASTOR TEN BELAMTE AKEPDAN:**

Pastorte, P/Pastor te khu Hagau ga chikim neite ahizieh un, a Belam ten a it mama ua, zong adeisah tungtuong uhi (Gal.

5:22-26). Pasion sil bangkim bawlthei leh mikahtum thei ahi chi athei ban ua, asepkhawm/kop ut mawng sih uhi. Mathiu 6:24 Pasion maitam kemtu ahizieh un, Maitam tung a Mei a mih lou ding ahi (Levi. 6:13). Abraham in Pasion maitam a imutsan zieh in Aha asuonte gamdang mite suoh in apang hi (Gen. 15:11-14). Siempi khu genbang lou ahizieh in hakhat in ni 20- tha anga ding khu hakhat in hakhat tha anga zieh un a gim un atawl mama uhi (Levi. 1:3). Belampute khu ahun a zong ahunlou ah zong tawl nga man lou aji/atate toh innsuon tuon koikoi ahizieh un, a Belamte amin un aban aban in ahan thei uhi. Azieh pen belam chingpa hoi ahizieh uh ahi ban ah, kemtu hoi ahizieh uh ahi (John 10:11; Jos. 24:16). Tualeh, Siempi ichite pen anasep uh:

- a). Hagau leh tahsa suhdamna,
- b). Piengtha loute pienthana nasep leh
- c). Dihtatloute, michip pong mi lungnem loute, mi kilemloute, Nupa kituoh loute etc. Siemlou na nah siemhoi ding khu ahi anasep ding uh. Amauh te pen vaihawm ding hilou ahi uhi.



**E . EXECUTIVE  
SECRETARIES TEN  
MIPITE AKEP DAN:**

Executive Secretarieste khu Gamsung pumpi Gin umtah a kem ahizieh un, semtute lah ah a gim tungtuong uhi. Gam pumpi kem ahizieh un, thumna leh nasep aha pan mama zieh un, akitawldam man sih uhi, i.e Hattuom, District, MGP, ZTP, MEP, ZPYF, ZPWF te i Mangpa Jesu hing pei masang a kim diimdiem a vangam a puilut ding khu anasep uh ahiban ah mailam a missionary ding atate uh siem ding mite Pasion thu a

bulphut ding missionary nasep khu amawpuohna uh ahi.

Tam atung a, A,B,C,D&E a panmun neiteng in gin umtah a i seplou leh hun abei chieng a i Bible chang ding uh Mt. 13:42, 24:9-11, 25:12, 41-43, Lk. 16:24, Kihilna 20:14, 15, 19:20.

Mangpa nasep gin umtah a semloute ashi nua chieng in a kisie mama ding uhi. Tam thu nelsie lou a zui chiet ding in simtute zousie Pasion in guol hing zawlta hen. Amen.

.....

**KEMTU GIN UM  
( I Kor. 4:1-2)**

*Upa Thangzasuan  
Kanaan Veng*

**Thumapui:** Tuachin min koute pen Khrist nasemte leh Pasion thuguh kemte bang in hing thei uhen, thamlou in kemtu hina ah ginumna apoimaw hi. I thupi u'khu lom thum i suo dinga, a banban in, i gensuh mietmiet ding uhi.

**1. Khrist nasem,** Khrist nasem ichi chiengin, eima nna hilou, a nna neipa i Mangpa Jesu Khrist ahi china ahi, tuaziehin i Mangpa lungput, a deidan, atup bang ahiei? chi i thei masah uh angai ding hi. Amapen mi thukhel, dei chilgiltah leh Ama thulou thu salou pa ahi. Mi deidan, mi hoisah

dante, pawm ngai lou pa zong ahi nalai hi.

Tua ahileh, Ama nna bangchi sep ding? Aman, thu a genleh, kumtawn adia agen ahita a, doh kia kia thei la hilou a, tuaziehin, Baibul a agen bang bang a sepdi, bawldi, gendi, ahimai hi. I belap leh (Ahapna)

aman kipahpi lou, i ip lela lungthah sem, ahi nalai hi. Tuazieh a Aman, minthannate thupinate, patawinate, tawilawmnate, atanthei na dia i sep ding uh angai hi. I sep, i bawl na tenga aman minsietna, gensietna, zawntatna, a thuoh leh nasep, nabawl zousie amawhna a suoh dinga, aga suong sih ding hi. Alung a kimsih ngel leh, Tanglai Mousi ma bang in, na shi pi nalai zawma ding hi. Tuaziehin, nangdei dan, nang hoisah dan, kilawm nasah dan leh, abailam ding, atha awl huoi zaw ding chite, ang sawlpan pom ngailou ding ahi. Tuaziehin nasep, nabawl nate ah, Mangpan thupinate atang na diei? Na bawl tapou uh Mangpa loup na ding in bawl un (I Kor. 10:31).

**2. Pasion thuguh kem:** Thuguh kem ichi chiengin mite thei ding a phallou china ahi. Pai lou in, Pasion thutah thei Pasion lemgel dan theite leh Pasion hing iit dan thei china bang ahi. Etsahna ding in ei gingtute pen, Ginna zieh a Hepina amanbei a Hundam ihi uhi. (Rome 3:24, Ephe. 2:8), tami thuguh ahi, amanbei ahi. Hinanleh, pawl khat in aman pieh ngai, pientha ngai, siengthou ngai, dihtat ngai, achi uhi. Tuate izaw zoulou zieh ua, i Mangpa Jesun ang shilaw ahizaw hi. Na hoizou hilei, siengthou thei

hilei, piengtha thei hilei, dihtat zou hitalei i Mangpa hilhiel ang shi ngailou ding ahizaw hi. Pasion mitgui natung zou taloute i hizieh ua, Van Mang Tapa hing tuolkum ahizaw hi. Tami ahi, Pasion thuguh, Khrist Jesu a um, tatna zal a, Hepina in manbei a siemtansah in i um uhi (Rom 3:23). Dan silbawlte zieh hilou, ginna zieh ahizaw hi (Rome 3:24-28) tan en in.

Tamte ahi, Pasiyah thuguh, nakep sih leh na buoi ding hi. Jokob in zi kum 7 zet athalaw banga hundamna thalaw thei ahisih a, thalaw thei hitananleh Mangpan thalaw thaw ding in a phalsih hi. Bible sungah thu tampitah a kigiel hi, a thu tup khat maimai ahi, tuakhu Pasion in asiemsa mihingte thawn a, manbei a, hundamna pieh ding chi ahi. Pasion kumtawn siltup, pilna thuo tampi lai a, thuguh kiphuol atapa ah a subukimta hi (Ephe. 3:9-13). Pilna thuo tampi lai a, thuguh kiphuol tami ahi.

**3. Ginumna poimaw hi:** Gin umna ichi chiengin muon ngam huoi, tahsan huoi, gintat huoi, china ahi. Mihing a ding in galthuom poimawtah bang ahi. Mi ginumte koiman a enghou ngam sih uhi, ahoup sun in zong, thutah, thudih ma toh a houp

zaw uhi. Tuaziehin, ginumna khu hasuo mawngmawng sin, ginumna in mi anuasie chiengin hing nanlezong a ha hawm hing bang lel ahita hi.

Tahsa leh Hagau ah apoimaw na akibang tuoh hi. Na khote ama? na hattuomten ang muon nawnsih a, ang gintat nawnlou chiengin Pasion in zong hing muongtuon talou ding hi. Tuabang mite pen ahawm hin ahita uhi. Tuazieh in gin umna apoimaw hi. Gin umna neiloute leh Gataam tui thou in a bawm nuom sih hi. Tuaziehin Lamkaite, Upate, Hausate, Vaihawmte a dingin, ginumna apoimaw dieh hi.

Sum (Dangka) i man sahtah leh zong khawhsih/ mukia, lamkia thei ahi. Hinanleh, Ginumna leh Muonhuoinate i mansah leh i hinkhuo, akim khat bei ahita hi. Mukia, neikia nan leizong miten ang gintat kia na dingin hun sawtpi lotta ding hi.

I Samuel 15:17 nangma ngaiin meng nanlechin Israel te lutang nahi. Kumpi Saul khu, alim, amel, apiching mama hi. Hinanleh lungsim ngaituona lam ah a na huchi tasih a, Mangpa gintat a bang tasih hi. Tuaziehin a lal kum tomsah in a um a, minsetah leh melsetah in a shita

hi. Job khu a kipatna lam gim ahuoi in, atawl huoi mama a, hinanleh, a ginumna zieh in, ahun tawplam guolzawlina thupitah toh minthang tah in ana zou ahi, tuni in nang, koi zaw na ut eile?

Mihingte i hun masalam teng Mangpa hing etkhietna hun ahia, i hun nukhia lam pen, i sep thaman muna hun ahi, na ginumna, na dihtat leh, guolzawlina toh minthanna toh na hun abei ding hi. Na ginum sih a, na nehsiet a, nangma angsung chou nathei leh, minsetah in sapsietna toh na hun na zou ding hi. Tuamabang in Hagau hinkhuo zong a um ding hi. Mihing hinkhuo tom mama nakal ah, theiding atam a, pilvanna ding atam zaw sem hi. I bawl theilai, bawlthei i kisahlai a, mawh gamtat tat te Pasion pap in ana Ambush chiengin, koima asuohta zou sih uhi. Tuabang hun ah, tengza khat khu, i hinna a ditthei ahi, kiman hetlou ahi, tuaziehin ginumtah in gamta inlen, pilvang mama in.

Pheisam ata min anatha pieh lai in, akapta a, natang tou looh kaneh zieh ama? maltakhal ga kaneh zieh ama? achi hi, ana hizaw sih a, Galngam Thang a vagiiah a guuh zieh a, athapieh ana hita hi. Vagiiah leh ita hen ding

vang, kikhe law ve aw maw? na deu ve aw. Pasion pap in mi a Ambush chieng a hichi mai ahi. Tuaziehin, ka unau ngaitahte aw, ginumnate, dihtatnate, mawh nelsie sih un, tuaten i hinkhuo ding a bawl ahi. Mihing hinkhuo atom nahkal ah, gentheina ding

tampi belap thei ahi pilvang va ui aw...

Tunia ding in tatan in zou phawtvai. Simtu zousie, kemtu muonhuoi hi dingin Mangpan hing panpi henlen, hing guolzawl chietta hen. Umnuom..... Lungdam e.

.....

## THUHUN LUI LEH THUHUN THA LEPTUOHNA (Sabbath leh Sunday tungtang)

*By :- Upa T. Mangnou, Tuining*

**THUMAPUI:** I thei chiet taah bangin, Thuhun Lui khu, Thuhun Tha Lim (Image); Negative leh Possitive ahi. Tua kizui in, hagau lungzuong mi khenkhat-te ei houlimpi-na thute tungtawna kamu thu-te pansan in, tam article ka lungsim-ah ngaikhawhna lientah ang um hi. Tua khu Sabbath leh Sunday tungtang ahi hi.

Sabbath-a lungleeng leh ana hisa mite apata thudoh phabep ka na don, Sunday datmaw-te bang, Sabbath pahtawi-te bang ahi ua, tuaziehin article sungah Kihilna bu sunga thupi bameeng (sub-theme) tuom tuom banga phoulah hoi kasa hi. I article sungah, Calendar dinga Mangpa Jesu'n ei pieh, 'KIHILNABU' leh agielpa, 'Johan tanchin tomkim,' 'Sabbath leh Sunday,' tungtang tomkim te, 'Leitung bei tana um ding peidan nam sagi etsahna

'Hattuom sagi' te thu,' 'Teeptan' thu leh Sabbath thakhel, 'Mangpa ni, (Sunday), Thuhun Tha ta-te'n anit taah ding ua thupuon,' teng huom ahi ding hi.

Space toh khosa i hiziehin thumal-te atom thei banga zah ding ahiziehin lai sim dan lemtaanna eima chietin kilah sawm va ui. Mangpa'n simtu te zousie thutah a hattuom- te kepbit theina pilna hing guon chiet ta hen.

**Kihilna bu:** Liberalism hing khankhieh hun, AD.1900-lai a patin Kihilna bu khu Grik hama ‘apocalysis’ thuguuh phoukhiehna (an event involving destruction or damage on a catastrophic scale) chi ahi ziehin, mi tamtah in angainep mama hi. Hinanleh, Mangpa Jesu’n van aka tou nua in, poimaw asah seng ziehin gingtute Calendar dingin ama ngel hing kumsuh kia a, ang gelsah ahi i chi thei ua, ama kamsuoh ngei ahi chi thei theina khu “Koi zong, tam kihilna bu sunga thu kigente pomlou, belap, lakiem” khu khosiengthou ah ... achi va-ia a hi (Kih.22:19).

**Johan: (Iit/hepi Johan) .-** Tam, Johan khu adam lai in, Mangpa Jesu ziet lama nai taha touzing pa, Jesu’n Kros-a a kikhethbeh lai a maituo a ahoup, ‘En in, na nu’ achi pa ahi (Joh.19:21). Nuazui te laha adam nukhia pen ahi. Juda gam uh Domitian hun AD.80-100 kikal vel in, Domitian neiah Kristian nuoimang sawma bawlsietna a natsat lai tahin, hagau lam puitu leh apostle dam umsun ahi hi. Khuchi laiin, Johan tanchin ngainuom huoi kichi laibu gen bangin: Johan khu mei-in ahal ua, mei mitzel in, aka thei sih hi. Poison adawn sah ua, shi lou, Leikhohawm-ah dahkal sawm sung malta khu ahut

khum ua, bangma chi lou. Beel sin nei lienpi sungah sathau sou sungah dahkal 18-sung ahuon ua, pen dildel ven chi a, beelsin hong a-et uleh tuiluma kibul bang giapin ana um a, tuabepin azau ta uhi. Khuchi hun a, koima ten ngai louna Aegean tuipi, adung mel 10, avai mel 6-a lien leh sauin akuol khum, Gulngaan, Humpi nelkai, sasiel ne gamsa gilou (gladiators) hon umna mun, Patmos, sq.mel 13-a lien sungah Long toh puoin gam sa te neh dingin ava thahlut ua, ang nuasie ta uhi.

**Kihilna bu ang gelkhieh dan:** Khuchi hunin a matanga lungzuong leh thawmhau taha Suongkohawm (Cave) sung a aum laiin, I Mangpa a va kihil a, khum ni khu “Mangpa Ni” chi ahi (Kih.1:10). Tua ‘Mangpa Ni’ achi khu “Sunday” ni ahi. Mangpa’n “Na sil mu-te khu giel inlen, Asia gama hattuom sagi-te kungah hah in” (Kih.1:11) achi hi.

**Asia gama hattuom sagi-te leh a-etsahna te:** Tu in Leitungah Denomination leh non-denomination gawm khawm Pawl 4,300-vel aum a, tuate lahah apumpi huopin pei dan nam sagi maimai aum hi: Asia gam, Tarsis-a um hattuom sagi-te khu leitung bei tana um ding chi ahi

lain, tu'n khat zong aum nawn sih ua, amun khu tulai a Turkey gam (Izmir), kichi khu ahi a, hinanleh hattuom te khat zong um talou in, Commercial Complex asuoh sieng ta a; Leitung bei tana um ding chi ahi na zieh khu Peidan nam sagi um-te genna ahi hi.

1. **Fundamental ah : Peidan nam ni :**

- a) Ging thei pomlou, lam leh Hallelui pom loute.
- b) Lam leh Halleluijah pom te aum kia hi. Peidan nam ni-na ahi ta hi.

2. **Leberal ah : Peidan nam ni :**

- a) Bible gel tahsang, a hilchetna leh thei zau na a kingah, Bible sanga misiemte ngaidan a pei.
- b) Bible gel khu dihluu theilou chi pom kawma, Evangelical taha Bible gel pom te aum kia hi. Peidan nam li ahi ta hi.

3. **Pentikostal ah : Peidan nam ni ma :**

- a) A hun tah a laama, Khuonggin atawp leh tawpchet thei te.
- b) Charismatic tah a, hamtheilou nei lou leh,

hagau zie, chit.. chit.. chit.. nei loute khu hagau tang lou chi pawl te aum kia a, tua khu peidan nam guh achinna ahi ta a,

4. **Peidan nam sagi chinna khu :** Roman Catholic peidan ahi hi. Roman Catholic concept tungtang gen ding atam ziehin, Roman Catholic peidan ichi mai ding hi.

**Teep tan thu:** Genesis 17:10-ah Pasian in ama leh Abraham kikala chiemtena hidingin Abraham leh ahaah leh suonte'n Teep atan ding thuhun apie hi (Gen.17:11; gam dang mi, Peikan Pawi nit nuom-te Ex.12:48; Lungtang teep tan Deuteronomy 10:16; Nas.7:8; ginna chiemtena teep tan Rom. 4:11). Hinanleh, Pasianin bang siltup neia teep tanna toh thuhun abawl khel adiei chi vang thei thei ahi sih hi. Zil mi, misiemte'n tam thu khu "Pasian in doctor vai a, a mite'n tahsa damtheina anei thei na dinguh atupna ahi" achi ua, tuaziehin Sabbath zieh hilou in, tahsa damthei na dingin eite'n zong teep itan u'zong asietna um lou ahi achi uhi. Aziehpén teep tante dam theidan leh atan loute damthei na'n mutheiin kikhieta lientah anei hi achi uhi.

**Sabbath: “Mihing Tapa khu Sabbath/Khawlni Mangpa ahi”** (Mat.12:1-8; Mk.2:23-28; Lk.6:1-5).

**Sabbath khu “Khawl ni” ahi.** Mei taw lou ding, Gan kula gan kikhi te hakhe lou ding, Zin leh leeng, Kiginni-a hing giehlut khate zong apawtdoh lou ding (Ex.20:8-11; 23:12; 31:13-16; 35:3; Lev.26:2; Deut.5:12). **Ni guh sung Nna sem in, sem muolsoo ding :** Ex.20:9; (34:21; 35:23; Lev.23:3; Deut.5:13). **Sabbath khu ni siengthou ahi:** Gen.2:3; Ex.20:11; 31:14, 35). **Nikhuo leh Hun leh dahkal in ama ah sienthoua anei ama?:** Nei lou, Pasion in na nit siengthou ding uh ahi achi khu Sabbath sienthoua khu ahi mai hi. A nit tute’n anit siem uleh, Sabbath khu nisiengthou asuoh a, anit siem sih uleh Sabbath khu abua ahi mai hi. **“Na nit ding uh ahi”** achi na tah khu Sabbath sienthoua ahi zel mai hi. **Sabbath khu kumtawn khawldamna (Jesu Krist) lim ahi:** (Heb.4:1ff). Tahsa teeptan khu Sabbath toh zawh ahi a, Lungsim teeptan te khu Jesu Krist-ah akhawldam uhi.

**Jesu leh anuazuite’n bang zieha Sabbath anit lou uh?** Sabbath thakhel ama, Jesu Krist ataha ang tun tahziehin Sunday

khu ama ni lieu lieu dinga asiem ahi tah ziehin Sunday ni ngenah Nna poimaw sep dingte sepna’n ang mang pan ta uh china ahi ding hi. Sunday khu ama ni ahi na ziehte : A pienni, A teep tan ni, Kum 12 achin a, Jerusalema anu leh asanggamte’n ava sui ni, Jerusalem alut ni, Lazar akaithaw ni, Mipi 5000/4000 a va ni, Kana khuo a tui Uoin asuohsah ni, dam lou asuhdam ni te, A thawkia ni, Van akatou masang, ni 40 sunga nuazuite kunga akilah zel na zousie leh van akatou ni, Pentikos ni chite zousie Sunday ahi sieng kei hi. Tuaziehin Apostle-te’n Sunday ni khu “Khawl ni” achi sih ua, “Mangpa ni” or “Pasion ni” achi vateh uhi. Tua teng ziehin Jesu Krist-a khawldam te dingin Sunday khu i Sabbath-uh ang suoh ta hi.

**Juda Kristian-te:** Hattuum pa Eusebius-in, Malai Juda Kristian-te’n Sabbath ana nit teismam ua, hinanleh Sabbath ni hun bei zou chiengleh akimutuo zel uhi achi hi. Tuami umzie khu Khantan hoi sung zousie ah “Khawl ni/Sabbath bei zou, ani masa pen” chi ahi zel a, a ni masa pen ni khu Sunday, (a ni giet chin ni), Mat.28:1; Mk.16:1-2; Lk.24:1; Joh.20:1). Tuaziehin nuazuite leh malai Kristian te’n Sunday khu Jesu toh amehbet ua, Sabbath

angaisah sih uhi.

**Hattuum masa-te'n Mangpa ni nit sah taah ding thupuonte:**

AD.115 apata sil umdan: (i) AD.115-a Constantine thupieh khu Rom leh Alexandria chi lou, mun dang pumpia Kristian-te'n Sunday khu Sabbath thakhela ang zah patna uh ang hi ta hi. (ii) AD. 312 masang peh in Hattuum masa-te'n Sunday khu Pasian bieh khawmna huna ana zah taahbou uh ahi ta hi. (iii) AD.107-in 'Ignatius' laibu-ah Sabbath nit talouin, "I hinna dinga thoukia 'Mangpa Ni (Sunday) nit zaw ta un" chi thu a um hi. (iv) AD.110-in Antioch khuo mi, Ignatius laibu-ah Sunday ni khu 'Leitung Thaa' (new world) honkhiehna ahi ana chi kia hi. (v) Justinmartyra Apology bu, AD. 155-ah "Sunday ni'n, Kristian-te a kikhawm ua, Sawltah leh zawlnei thugelte sim khie in, thugenna in azui a, thumguolna te anei uhi chi zong ana giel khawm hi. (vi) AD. 111-113: Bithunia Governor Piliny-in AD.98-in Rome Leengpa (Emperor) Trajan lai ahahna ah, "Ama dinga ni thupi pen 'Mangpa Ni' in kikhopna anei zel uhi, chi thu zong ana giel hi. (vii) Lion Bishop Ireneacus, AD.144-222-in "Mangpa Ni (Sunday) loungal ah 'Mangpa thawkia kipapi na

kikhop nei khu alem thei vawt sih hi" zong achi kia hi. Tam teng banah, AD.321 laiin Rom Lenggam sungah Sunday ni khu nasepna ni dang khat a naum pen, Constantine-1 Leeng ang hi bepin Sunday ni khu Thukhenna munpi te, khutsiem silbawlna lamte leh gamsung mipi pumpi in Sunday ni pumlum khu tawlldamna ni a anit taah ding uh chi'n (civil degree) thu ana puong hi.

Tua teng ziehin Thuhun Lui Sabbath buoi a buoi talouin, i Mangpa thawkia ni Sunday khu Jesu Krist-a lungsim teep kitan tapou a dingin i tawldamna uh ang hi thei ta ding hi. Nang bang 'Khawl ni' ah na khawl ei? chi kidoh chien ahun ta hi. Jesu Krist-a khawl lou a, Kristian ah ahiei, Sakhuo ahiei a khawl a, Mang Nna sem sem napi a, lungsim leh hagau tawldam na mel mu lou khu "Leitung gawtmun" ahi ichi thei uhi.

Thu hasa pi ahi a, ilungsim puohnat na zieha tam teng igen vangin genkhiel, aval, achingla tampi um dingin igingta a, tuate simtute suhdih pi leh theisiemna bawmah khum mangin, kitheh tuo chiet dingin i kingetna hi henlen, Mangpa'n guol zawl ta hen.



# HAGAU SIENGTHOU HINA BIBLE THUGIN IN A GENDAN LEH A NNASEPDAN (Gal. 5:22-23).

*Rev. Dr Hangpi Manlun*

**1). Thumapui:** Tu ha khu Pentecost ha ahizieh banah tulai a Hagau Siengthou hina i thei chienlou ziehun i ginna u'leh i hattuom na ngawn uh khawvel gop leh Hagau umpina tanglou bang a mu i tamta uhi. Tuabanah, Hagau Siengthou hina leh nnasep dan khu Hattuom dinchil apat, tuni dawng in mite kinielna leh ngaidan kibahlouna khat ahi. Tualeh, adiehin milimte ngaidan leh adangte ngaidan kibahlouna a um dieh hi. Tuaziehin, sil thei siem hakhat ahi chi lei zong i chi khiel sih ding uhi. Thuhun lui ah Hagau Siengthou chi khu sawmgiet-legiet (88)-vei akimu hi. Thuhun Tha in Hagau Siengthou a chi leh Thuhun Lui a Pasion Hagau amaw, Mangpa Hagau chi a gente khu akibang ahi uhi.

## **2. BIBLE IN HAGAU SIENGTHOU HINAAGENTE I SUI DING UHI:**

### **2.1). THUHUNLUI HUN A NNASEPDANTE:**

**2.1.i). Pasion Hagau leh Leitung kichimatna:** Gen. 1:2 ah khun, 'Pasion Hagau khu Tui tung ah a vah kawikawi a', chi i mu uhi. Tualeh, Job. 32:8 ah, "Pasion Hagau khu mite tung ah hing teng in pilna a pie" chite zong i mu uhi. (Sam 104:30), ah 'Mangpa Hagau in mihing leh leitunge khu a siem' chi i mu uhi (Ezekiel 37:9)- ah Mangpa hu (Hagau)- khu'n mihingte a suhlat

thu zong i mu uhi. (Deut. 34:9)- ah, Nun tapa Joshua khu Mangpa Hagau in pilna a pie chi zong imu uhi. Mangpa Hagau khu'n a sil siemte, leitung/khawvel leh mihingte a enkawi in kizopna hoitah a neipi zing chi i mu uhi.

**2.1.ii). Mihingte hutkhetna ah zong na a sem hi.** Galte lah a, a mi Israelte hutkhetna diing in hatna petu ahi. Samson tung ahte, Leng Saul tung ahte, Mosi tung ahte i mu uhi (Thupilte 14:19; I Sam. 11:6; Num. 11:17-25). Tualeh, Jawlneite suhal in thu gen diing in a pawl hal a, zong a suhangsan hi. Tualeh, Isai

61:1 ah khun, “Gentheite kung a khantan hoi gen diing in ei teel in ei sawl a” chi thu i mu uhi. Tuabanah, Eze. 2:2- ah, Mangpa Hagau in Ezekiel khu a umpi chi i mu uhi. Israelte suoh-le-sal a pat a hutkhietna diing a hatna petu zong ahi (Isai 11:2). Thuhun Lui hun in Hagau Siengthou in mite a umpi a, ahivang in mite’n gitlouna leh Pasian deiloulam asep chieng un a peimangsan zelzel hi. 2.1.iii). Mituom bang a gen ahi-a, ahi’n Pasian toh kijopna nei ahi:

Mituom bang a gen ahi a, mihing mimal toh kijopnanehi ahi. Tualeh, Messiah kung a haatna leh silbawltheina petu bang in agen hi. (Isai 11:2-5; 53: 10,11; Eze. 36:20; 37:14; Joel 2:28-32).

### **3.2). THUHUNTHA IN AGEN DAN**

**3.2.i) Pasian Hagau.** Rom 8:9 ah “Pasian Hagau nouma a aten leh...” a chi hi. Dawng 11-ah, “Pasian Hagau, shina pat a Jesu kaithoupa hagau...” chite zong imu hi. Rom 15:16 ah “Gentelte khu Hagau Siengthou a suhsienghou ahi thu leh, I Thes. 5:23 ah “Lemna Pasian ngei in na pumpi un hing susiengta” a chite zong Hagau Siengthou genna thu ahi.

**3.2.ii). Jesu Hagau: Khrist Hagau, a Tapa Hagau chite akibang ahi.** Tualeh, Nasepte 16:17- ah, Paulte khu Bethani a lut a sawm lai un, Jesu Hagau in aphalsih chi zong imu uhi. Rom 8:9 ah “Koi zong Khrist Hagau neilou khu ama mi ahi sih” chi i mu uhi.

**3.2.iii). Hagau Siengthou.** Tualeh, II Kor. 13:14- ah, Hagau Siengthou pawlna a gen hi. Luk 11:13- ah, “Hagau Siengthou khu a ngentapou kung ah pieh ahidiing thu’ i mu uhi. Eph. 4:30-ah, Hagau Siengthou khu dasahlou diing a thupieh i mu uhi.

### **4). HATTUOMTE LAH A HAGAU NASEPDAN:**

**4.i). Pentecost ni a kipat in gingtu mimal leh hattuomte a umpi zingta hi.** Thuhun Tha a Hagau Siengthou nnasep dan i mu masahna uh khu Pentecost ni a gingtu masate lah a, ang tunna thu ahi. Khum hun a kipat in Hattuom leh gingtu mimal zousie a umpi zingta hi. Thuhun Tha hun ah adieh in, Pentecost ni-a kipat in, Hagau Siengthou in mite a umpi zou chieng in amawh nuasie nawn sih hi. I Mangpa Jesu in ‘Kumtawn in na kung uah a umleng diing hi’ a chi hi (Johan 15:16).

**4.ii). Gingtute a suthahat leng hi.** Hagau Siengthou in gingtute khu a puileng a, Khrist thutah khu a hil zelzel a, a min diing in ‘Hamuontu’ chi khu a hi. Hamuontu chi khu panpitu, suthahattu china zong ahi hi. Nasepte ah, Hagau Siengthou in gingtute leh Hattuumte a suhhatdante i mu uhi (Nasepte 8:14-17; 10:44; 19:6; Rom 8:26-27).

**4.iii). Khrist kung ah a pui zel hi.** Tam khu ‘Siengthoua’ a kichi hi. A umzie tah ahileh mihing khelna puosate khu Hagau Siengthou in Pasian sutna leh Khrist sutna nei diing in a susiengthou china ahi. Hagau Siengthou puina leh nnasepna jie in gingtu khu a lungsim puohdante, a deidante, ahinadante uh Khrist bang a siemtha zelzel in a um hi.

**5). HATTUOM KHU HAGAU SIENGTHOU NNASEP GASUO AHI (Eph. 2:22-ah.** Tualeh, Hattuumte khu Pasian umna diing a Hagau in a lepkhawmte ahi thu i mu uhi.

**5.i). Hattuum khu Hagau Siengthou phukhiet ahi.** Tuazieh in, leitung a pawl dang zousie leh ‘Israel lui’ sang in zong a lamdang zaw hi.

**5.ii). Hattuum khu Khrist tahsah ahitheina jie zong Hagau in a umpi jie ahi.** Hattuumte’n Hagau lam hoina leh khanletna diing ua i guot uh, Sacrament ngei zong khu Hagau in a zah jie in aphatuom hi. Tamte, loungal Hagau Siengthou hina leh nnasep i Bible ah mu diing a umsih hi. Tulai a Hagau pawlna tang kichi a, hattuum a umngaplou leh lim-le-laam mai buoipite khu a dih pen ahidiei? chite i ngaituo diing ahi.

## **6). I THUGIN IN AGENDAN:**

**6.i). Mangpa ahi:** II Kor. 3:10 ah “Mangpa khu Hagau ahi a; Mangpa Hagau umna zousie ah khun zaleenna a um hi” chi ahi. Tualeh, II Kor. 3:6-ah, “Gentelte dan thupieh pen shina ahi a, hinanlezong Hagau khu hinna ahi” achi hi. Leitung kisiem chil in tui tung a awpkhum a, Leitung kepbit zelpa khu Khrist thute, Pasian laibu thute khu mite lungsim ah a awp hing zing hi. Tuachiengin, mite’n Jesu khu “Mangpa” chi in a han diing uhi. Ajiehpen, Hagau bou khun Jesu “Mangpa ahi” achitheie giep hi (I Kor. 12:3).

**6.ii). Jesu'n Lalna leh thuneina a tanna mun ah Hagau Siengthou zong a lal in thu anei zel hi.** Jesu lalna/thuneina mite lungsim ah khun Hagau Siengthou zong a lal/thu anei a, 'Mangpa' chi in a han thei uhi.

**6.iii). Hagau Siengthou Hinna petu.** Hagau Siengthou in migilou kisiete kung ah lungsimtha a pie a, a khelna mun ua kipat kinualete hinna a pie hi. Tuajiehin, hinna petu ahi (II Kor. 3:6). Pasion in lungsim mielte khu a salvahsah hi (II Kor. 4:6).

**6.iv). Pa leh Tapa a kipat a hing pei ahi:** Mangpa Jesu'n Pa kung ah ka ngen diing a, ama'n hamuontu ang pe diing a, kumtawn in na kung uah a um diing hi (Joahn. 14:14). Hamuonpa Hagau Siengthou Pa in ka min a ang sawl diing pa ngel in noute sil bangkim hing hil van in, tuachi'n keima'n ka hing hilsate zong hing theisahtava (Johan. 14:26). Tambang, ahijieh in Hagau Siengthou khu Pa leh Tapa akipat a hing pei ahi chi akilangchieng mama hi.

**6.v). Pa leh Tapa toh kibang ahi:** Tami in Hagau Siengthou khu Pasion ahi chi a langchiengsah mama hi. Baptisma tanna phui teng ah, Pa, Tapa leh Hagau Siengthou min in i tang ua,

zong Pa leh Tapa bang in Hagau Siengthou zong Pasion ahithu imuthei uhi.

## **7). GINGLOUTE LUNGSIMA SEPDAN:-**

**7.i). Hagau Siengthouin mite a khelna uh a kiphohsah hi.** Gingloute tung a Hagau Siengthou nasepdan khu khelna leh vaihawmna ah chinglou/siemtanglou ahidan uh a theisah hi (Jn. 16:7-11). I thugin in a gendan ahileh - 'a gitloutan uh leh a tunggihdante uh a theisah hi' a chi hi. Mihingte in bangtan ahiei khat ah eima dihlounate leh chitlanate thei nanleizong kisiena tahtah leh Khrist lam zawt utna lungsim khu Hagau Siengthou nasepna jieh bou a inei thei uh ahi.

**7.ii). Khrist kung ah mite Pui hi:** I thugin in tambang in a genkia leuleu hi. "Khrist theina lam ah a lungsim uh salvah in, a utnate uh suthahat in, Jesu Khrist khu a Mang leh hundampa a pom diing in apui hi" chi ahi. Khrist khu Hundampa leh Mangpa diing a pomna, 'Pasion Ta a sim/se' chi khu sil kipah huoitah ahi. Khum Hagau jieh in 'Abba! (Pa!) chi in i han thei uhi. Hagau ngei khun eima hagau toh Pasion tate i hi uh chi ang theisah hi. Hagau Siengthou nnasep jieh in Jesu khu

‘Mangpa’ chi in i han theita ua, Jesu khu a Mangpa uh ang hita hi. Tuaban ah, thutah lam aha puitawntung hi.

### **8). HAGAU SILPIEHTE:**

Tualeh, i Bible i sim leh, Hagau silpieh tuomtuom i mu uhi. Khumte zousie igen sieng zou sih diing a, tuate lah ah poimaw deute igen ding uhi ( I Kor. 12:4-13 leh Rom 12:3-13).

#### **8.i).Hagau Silpiehte.**

Pilna, theina, ginna, suhdamtheina, sillamdang bawltheina, thugentheina, Hagau dih theitheina, ham tuomtuom a thugen theina leh adangdangte ahi uhi. Sawltah Paul in “Phattuomna diing in Hagau theisahna khu pieh ahi” a chi hi (II Kor. 12:7).

#### **8.ii). Itna:**

Hagau Siengthou silpieh loup i pen khu itna/lungsietna ahi. Tami khu mi’n a nei sihleh Hagau nnasepna a neisih china ahiban ah, a dangte khu a phatuom diing bang tah in a phatuom sih diing hi.

#### **8.iii). Hagau ga:**

Sawltah Paul in ‘Hagau gate’ a chi sih a, khat bang in ‘Hagau ga’ a chizaw hi (Gal. 56:22-

23), tuate khu-Ki-itna, kipahna, kilemna, thuohhatna, zaineemna, hoina, gin-umna, nunneemna leh kidetheina bang ahi, tamte chiloungal dan thupieh dang a um sih hi.

#### **8.iv). Vah leh puihuoina:**

Gingtute kung ah Hagau silpiehte khu a kul leh poimaw dungzui a pui leh panpi hi. Hagau dihtah in thutah apuilut diing a, atahsap bang zel un pui in a lamkai zing diing hi (Johan. 16:3).

#### **9). Thukhum sin.**

Awle, Hagau Siengthou hina Thuhunlui hun, Thuhuntha hun leh tu lel a gingtute kung a, a nnasep dante i gent ua, tamte khu i Bible ua i mudante uh zong ahi. Tuaziehin, mani ngaidan e poimaw i Bible leh i thuginte uh gen dan chi zong ngaitua tham ching ahi. Tuaziehin, hun nukhia a ding gingtute i hitahzieh un gindan, gendan, pomdan tuomtuomte ang um hun a zong i Bible uh ma tudet tinten thei dingin Pasian in hing umpi chietta hen aw.

ZOU PRESBYTERIAN CHURCH SYNOD

**SAWMAKHAT PIEH DAN 2022**

*1st November 2021 to 30th April 2022*

Receipts	Amount
<b>Central District</b>	<b>36,32,684</b>
Aina	1,48,805
Central Church	17,73,236
Manniang Khuo	90,611
Nungshai	13,000
Sabuol	76,016
T Tangnuom	12,000
Tuilaphai	56,670
Zomi Colony	14,62,346
<b>Lentang District</b>	<b>24,41,993</b>
LDCC Hiangzou	51,100
New Zoveng	3,38,083
T Daijang	31,571
Tuibuong	18,58,037
Zoumunnuom	1,63,202
<b>Lamka District</b>	<b>59,64,318</b>
D Phailian	1,05,510
Hiangdung	22,848
Immanuel Khopi	2,74,105
Kanan Veng	6,05,095
Lailam Veng	28,10,619
M Muoltam	1,05,180
P Khupgou Veng	9,183
Thingkangphai	11,70,392
Tongdam	6,25,159
V Bethel	35,717
Zomi Bethel	1,77,010
Zoumun	23,500
<b>Imphal District</b>	<b>6,25,030</b>
Imphal	6,25,030

<b>Tuining District</b>	<b>7,07,970</b>
Kuvan	92,940
PN Khovong	51,390
Sangaikot	20,010
Tuining	5,36,085
Zomi Zion	7,545
<b>Suolam District</b>	<b>5,43,390</b>
Moreh Gamnuom	51,550
Moreh MEP	2,870
P Salem	55,000
Sugnu	4,20,290
T Zion	13,680
<b>Gunpang District</b>	<b>4,05,472</b>
L Gangpimuol	62,928
M Khawmuol	61,870
N Khaukuol	69,260
Saiboh	1,12,394
Teisaljang	55,000
T Munnuom	44,020
<b>Singgat District</b>	<b>14,87,760</b>
Hiangtam K	61,265
Maukot	41,430
Mawngken	34,588
Muoljin	27,270
Singgat	5,20,219
S Muvanlai	54,443
Suongkuong	64,750
S Vengnuom	1,44,720
Tangpijol	3,06,045
Zoukhonuom	2,33,030

<b>Zoutang District</b>	<b>4,44,801</b>
Belpuon	14,800
Buhsau	33,842
Buongmun Lamkhai	6,570
Hiangmuol	39,050
M Buongmun	63,190
Muollum	2,58,949
T Khajang	28,400
<b>Tuivai District</b>	<b>4,73,489</b>
Behiangjang	1,61,651
Hiangtam B	1,48,015
Hiangtamjang	1,15,903
Lunjang	39,620
Tonjang	8,300

<b>Outside State &amp; Others</b>	<b>22,55,991</b>
Bengaluru	474,264
Chennai	82,310
Delhi	11,79,463
Mangjing	29,230
Paspati	8,790
Shillong	4,81,934
<b>Total</b>	<b>1,89,82,898</b>

## ZPYF Column

ZPYF in Pasian mapuina toh Project I nei uh peitou lellel in tunin Synod toh kithua a project lawchintheina ding lampi tuomtuomte ngaituah khawm ahi a, tamtan chieng leh i maban uh hing pui zing Pasian min iphat uhi. Tualeh 64<sup>th</sup> ZPYF General Conference ah ginna thuchiem i bawl leh mimal a kiphalna neite apat imu dante uh enkhawm va ui :-

- |   |     |          |
|---|-----|----------|
| 1. Upa Khaihenthang of Sugnu            | Rs. | 10,000/- |
| 2. Upanu Muangneichng of Sugnu          | Rs. | 5,000/-  |
| 3. Pa Ginlampau of Sugnu                | Rs. | 2,000/-  |
| 4. Pa Khupkhanlien of Sugnu             | Rs. | 5,000/-  |
| 5. Pa KAmlienkhai of Moreh Gamnuan veng | Rs. | 500/-    |
| 6. Nu Hoinuam of Moreh-I                | Rs. | 1,500/-  |
| 7. Upanu Hatkhanninag of Moreh          | Rs. | 10,000/- |
| 8. Upa Langkhokam of Moreh              | Rs. | 3,000/-  |
| 9. Pa Thangmuanlian of Moreh            | Rs. | 5,000/-  |
| 10. Pu S. Kapmuanlal of Behiang         | Rs. | 3,000/-  |
| 11. Upa Khai lienmung of Teiseljang     | Rs. | 1,000/-  |
| 12. Pa Khaizamang of Zomi-Colony        | Rs. | 10,000/- |
| 13. PA. Langkhanpau of Lailam veng      | Rs. | 3,000/-  |
| 14. Thangzasuan samte of Tuibuong       | Rs. | 3,000/-  |
| 15. Julie P. Huaikhannuam of Tuibuong   | Rs. | 2,000/-  |
| 16. Pi Grace Zamnu, MDC Muallum         | Rs. | 60,000/- |
| 17. Pu Jamkhanpau of Central Church     | Rs. | 30,000/- |

18. Pu Chinlianmang of Tuibuong	Rs.	5,000/-
19. Pu Kapneithang of Central Church	Rs.	20,000/-
20. Pu S. Lamthang of Lailam veng	Rs.	10,000/-
21. Pu Khupkhanmang of Lailam Veng	Rs.	5,000/-
22. Pu S. Munpi of Sangaikot	Rs.	500/-
23. Upa Gouzamang of Central Church	Rs.	100/-
24. Pi Chiinkhanniang of Central Church	Rs.	500/-
25. Pu Goubiaklian of Singngat	Rs.	500/-
26. Rebecca Lamnunnuam of Lailam veng	Rs.	1,000/-
27. Pu. Tuanzagen of Awnchinkap	Rs.	500/-
28. Pu Khaibieklian of Lailamveng	Rs.	20,000/-
29. Pu. Ginsuanhau of Imphal	Rs.	3,00,000/-
30. Pu Jackmuan of Zoumunnuam	Rs.	200/-
31. Sye Kamsuankhai of Office	Rs.	1,000/-
32. Evan. Pauchiin of Emmanuel Khopi	Rs.	1,000/-
33. Pu Ginsuanmang of Thingkangphai	Rs.	500/-
34. Pi Dimngaiching of Thingkangphai	Rs.	500/-
35. Sye Khupsuanmung of T. Munnuam	Rs.	1,000/-
36. Nu Nuamzakim og Zoveng	Rs.	10,000/-
37. Pu Ginsianthang of Tongdam	Rs.	50/-
38. Pu Hauminlun of Mawngken	Rs.	50/-
39. Nh. Manmuanching of Office	Rs.	1,000/-
40. Rev. Khamchinkhai of Office	Rs.	2,000/-
41. Rev. Dr. Hangpi Manlun of Office	Rs.	2,000/-
42. Rev. Stephen Chinzathang of Lentang District	Rs.	2,000/-
43. Rev. Zamlianpau of Central District	Rs.	2,000/-
44. Rev. P.C. Mang of Lamka District	Rs.	2,000/-
45. Rev. Khupkhansuan of Imphal District	Rs.	2,000/-
46. Rev. Kaimuanlal of Delhi	Rs.	2,000/-
47. Rev. P. Ginzalal of Gunpang District	Rs.	2,000/-
48. Rev. Khamminlian of Suolam District	Rs.	2,000/-
49. Rev. Mangmuanthang of Tuiningkuol District	Rs.	2,000/-
50. Rev. Lamsuanthang of Zotang District	Rs.	2,000/-
51. Rev. Thangboi Khongsai of Tuivai District	Rs.	2,000/-
52. Rev. Ginlianmang of Bengaluru	Rs.	2,000/-
53. Rev. Stephen Khupsianlal of Shillong	Rs.	2,000/-
54. Rev. Kamminthang of Chennai	Rs.	2,000/-
55. P/P Gouginsang , MEP	Rs.	2,000/-
56. P/P Suongliankap, ZTP	Rs.	2,000/-
57. Pu Goukhenmung of Muollum	Rs.	1,000/-
58. Upa Kaizalam of Zomi-Colony	Rs.	1,000/-



59. Sye Hauminthang of Nungsai	Rs.	1,000/-
60. Pu Pauneikhai of Hiangtam (K)	Rs.	1,000/-
61. Pu Thanglianlal of Maukot	Rs.	1,000/-
62. Sye Sienminlian of P.Salem	Rs.	1,000/-
63. Upa Jamsianmung of Office	Rs.	1,000/-
64. Upa Kamgenpau of Office	Rs.	1,000/-
65. Pu David of Office	Rs.	1,000/-
66. Pu Goukhai of Office	Rs.	1,000/-
67. Pu Langkhanlal of Office	Rs.	1,000/-
68. Nu. Niangkhanmang of Office	Rs.	1,000/-
69. Nh. Niangsuannuam of Office	Rs.	1,000/-
70. Nh. Naomi Goulianching of Office	Rs.	1,000/-
71. Pu Khaiboiv of Office	Rs.	1,000/-
72. Pastor Bhim Prasad of Paspati	Rs.	1,000/-
73. Nh. Suanneiching of Office	Rs.	1,000/-
74. Rev. Kapsuanthang of Singngat District	Rs.	1,000/-
75. Upa Sienzahau of Zomi-Colony	Rs.	1,000/-
76. Pu Zamlianthang of P.N. Khovung	Rs.	500/-
77. Nh. Teresa Ngailun of Zomi-Bethel	Rs.	100/-
78. Nh. Chingdeinuam of Zomi-Bethel	Rs.	200/-
79. Nu Maneihoi of Tuibuong	Rs.	2,000/-
80. Pa Kapsutlian of Zomi-Colony	Rs.	500/-
81. Pa Kapsuanthang of Zomi-Colony	Rs.	1,000/-
82. Upanu Chiindeiniang of Zomi-Colony	Rs.	500/-
83. Pa T. Ginzahau of Zomi-Colony	Rs.	100/-
84. Pu Khamlunthang of Zomi-Colony	Rs.	200/-
85. Pu Emmanuel Zamlunlal of Zomi-Colony	Rs.	100/-
86. Pu. Tuonlienhou of Central Church	Rs.	500/-
87. Pu G. Tungnung	Rs.	500/-

ZPYF in mi kiphai i neite zieh un Mangpa min iphat uhi. Tualeh maban ah ginna thuchiem chiem ah penailou ten piehthei zing ahi chi zong iki theisah sawnsawn uhi. Mangpa'n na kiphalna tung uah aleh tam zawsem in hing gulzawl chiet taken.

T. Naomi Goulianching.  
Youth Co-ordinator ZPYF

.....

## ZPWF Column:

### APRIL 25 - 31 MAY 2022 SUNG A TUNNU LIMBEL PANPITE:

1. Upa Kaiminlun, Bengaluru	Rs. 5000/-
2. Niangpi , Zomi Colony	Rs. 3000/-
3. Upa Khaiminlian, Lailam veng	Rs. 12340/-
4. Upa PK Soia, Tuining	Rs. 200/-
5. Paumuanlal, Kanan Veng	Rs. 500/-
6. Khamlianthang, Kanan Veng	Rs. 500/-
7. Letlensei , Kanan veng	Rs. 500/-
8. Nianghoikim, LDCC Hiangzou	Rs. 3600/-
9. T. Dongzakhai, Central Church	Rs. 500/-
10. Chingmuankim, Central Church	Rs. 2000/-
11. Velzagin, Central Church	Rs. 2000/-
12. PWF Sangaikot, Anntang tang	Rs. 300/-
13. Johnpaul Kammalsawm, N. Khaukual	Rs. 850/-
14. H. Kapneithang & Family, Central Church	Rs. 2000/-
15. Julie Lamnu, Awnchinkap khuo	Rs. 2000/-
16. PWF Imphal, Anntang tang	Rs. 3200/-
17. Kamkhogin, Central Church	Rs. 500/-
18. Donneiching, Central Church	Rs. 500/-
19. S. Hangmuanthang, Central Church	Rs. 500/-
20. Kaplianmung, Central Church	Rs. 1000/-
21. Dimneiching, Central Church	Rs. 1500/-
22. Niingneichiin, Delhi	Rs. 1000/-
23. Chinglianchiin, Delhi	Rs. 1000/-
24. Naomi Haumuanching, Delhi	Rs. 500/-
25. Vunglamchiin, Delhi	Rs. 500/-
26. PWF Central Church Anntang Kg. 215	Rs. 2270/-
27. PWF Tuining, Anntang tang	Rs. 1500/-
28. Manneihat, Central Church	Rs. 1000/-
29. Nousuanching, Central Church	Rs. 500/-
30. Niengaimang & Family, Lailam Veng	Rs. 10,000/-
31. Upa Thangchinhang & Family , Behiangjang	Rs. 3000/-
32. Upa P.K. Soia, Tuining	Rs. 200/-
33. PWF Emmanuel Khopi, Anntang kg. 65	
34. Pa. Thangkhanlam & Family , Anntang Bag 1	
35. Tunglianthang, Saiboh Anntang Kg. 50	
36. PWF LDCC, Anntang Kg. 70	
37. PWF Hiangdung ,Anntang kg. 60	
38. PWF T. Daijang Kg. 35	
39. PWF Chingmangkhuo Kg. 30	
40. PWF Zoumunnuam Kg. 47	
41. PWF T. Talnuam Kg. 50	
42. PWF Sangaikot Kg. 35	
43. PWF Kuvan Kg. 40	
44. PWF T. Munnuam Kg. 30	
45. Zomi Colony Hausat, Anntang Half bag	

PETU ZOUSIE MANGPAN HING GUOLZAWL TA HEN.

NOTE : A dihloou kha te Office a suhdin thei zing ahi.

## PATRON MEMBER-TE

- |                           |                              |                            |                                |
|---------------------------|------------------------------|----------------------------|--------------------------------|
| 1. Upa Gouzamang          | 2. Pu Hav. Khamchinkhup      | 3. Pu Khamzalam            | 4. Pu Chinzasuan               |
| 5. (L) Upa Liansuanpau    | 6. Pu Khamchinthang          | 7. Pu S.Dalthang           | 8. Upa Kapkhanthang            |
| 9. Upa Langginmang        | 10. Upa S. Nangkhanlal       | 11. Pu S. Lamkthothang     | 12. Upa Dr. M. Lachinkhai      |
| 13. Upa Khamchinjam       | 14. (L) Upa D.K.Manlun       | 15. Upa Suankhanmang       | 16. (L) Upa Khupgou            |
| 17. Upa Chinkham          | 18. Upa Ngulchinkham         | 19. (L) Rev. V. Vungzalian | 20. Rev. Retd. Kamkhosoi       |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanhup        | 24. Rev. Dr. Hangpi Manlun Zou |
| 25. (L) Pu Tuanzapau      | 26. (L) Rev. Ginchinjam      | 27. (L) Rev. Khamzasuan    | 28. Upa T. Lamkthohawng        |
| 29. Upa Khaichinmang      | 30. Rev. Stephen Chinzathang | 31. Pu Khupkhanmang        | 32. Pu Khaidohlian             |
| 33. (L) Hav. Khamzahang   | 34. Pi Vungzanuam            | 35. Pu T. Gouzadou         | 36. Upa Liensuonkap            |
| 37. Pi Zelkhochiin        | 38. Pi Hatkhanvung           | 39. (L) Pi Ngaihoiching    | 40. Pi Mankhannieng            |
| 41. Pu Goukhanmang        | 42. Pi Chingzalam            | 43. Pu S. Thianzakhai      | 44. Pi Kamkhanching            |
| 45. Pu Haukhanpau         | 46. Pu Tuallianmang          | 47. (L) Pu Dongkap         | 48. (L) Pi Chingkhanmang       |
| 49. Pi Donkhonian         | 50. Upa Henzakhup            | 51. (L) Pu Saichinpau      | 52. Pu Goumang                 |
| 53. (L) Upa Khamkhanhang  | 54. Shie Laangkhanlal        | 55. Pu Khamkhanlun         | 56. Upa L. Tualkhanpau         |
| 57. Upa Jamsianmung       | 58. Upa Ginzadong            | 59. Pu Kaizathang          | 60. Pi Goizanuom               |
| 61. Pi Thangneivah        | 62. Pu Khamzathang           | 63. Pi Donchin             | 64. Upa Liankhanmang           |
| 65. Pu Hauchinlun         | 66. Pu T. S. Lal             | 67. Pi Goichiin            | 68. Pu T. Khupchinthang        |
| 69. Upa T. Kaizalam       | 70. Pu Paul Henkholal        | 71. (L) Pu Soikham         | 72. Rev. P.C. Manga            |
| 73. Rev. Khamchinkhai     | 74. Rev. Zamlianpau          | 75. Rev. Chinzapau         | 76. Rev. Retd. Kamkhozam       |
| 77. Upa (L) Chinpu        | 78. Pu Zamkhanthang          | 79. Pu Chinglen            | 80. Miss Chinhaunieng          |
| 81. Upa P. K. Soia        | 82. Pu Goukhai               | 83. Pi Niangkhanmang       | 84. Evan. Retd. G.L. Joshya    |
| 85. Pi S. Chingkhanmang   | 86. (L) Pu Vumchinkhup       | 87. Upa Khaihenthang       | 88. Upa T. C. Pau              |
| 89. Upa Nengchinkap       | 90. (L) Upa Jamkhongam       | 91. Upa HT Manga           | 92. Mrs. Vahkholhing           |
| 93. Pu Hauliankap         | 94. Pi Chinnu                | 95. (L) Upa Ngulzakhai     | 96. (L) Upa T. Gougin          |
| 97. Pu Ginsuanhau         | 98. Upa (L) Langminthang     | 99. (L) Rev. David K.Samte | 100. Upa T.S.K. Samte          |
| 101. Upa S.K. Khama       | 102. Pu Jamkhopao            | 103. Pu Thathang Taithul   | 104. Pu Kamkhankap             |
| 105. Bhim Prasad Ghatani  | 106. Rev. M. Kapsuanthang    | 107. Nu Chingneikim        | 108. Rev. Khupkhansuan         |
| 109. Pi Mannuamching      | 110. Rev. Kaimuanlal         | 111. Upa Nengkhanlian      | 112. Nh. Deborah Zou           |
| 113. Pu T. Kuppa          | 114. Rev. (L) Mangsuanthang  | 115. (L) Pu Lamchinhau     | 116. Upa Pauchinlel            |
| 117. Nu Kimneihoi         | 118. Upa Kamgenpau           | 119. Nh. Niangsuannuam     | 120. Nu Ngaikhanvung           |
| 121. Pu P. Sanjiv Zou     | 122. Upa M. Kaichinkham      | 123. Upa T. Sianchinpau    | 124. Upa Sianzahau             |
| 125. Pu L. Thenkhosoi     | 126. Pu Kamsuanhang          | 127. Upa Th. Kaikholam     | 128. Upa Lunchinthang          |
| 129. Pu P. Tongthang Zou  | 130. H. Nehzamang            | 131. Pu Thangsuankhup      | 132. Upa M. Kamzadou           |
| 133. Pu Jamkholian Munlao | 134. Pu Sianzakhai           | 135. Upa Thanggingsuan     | 136. Pu Kapminlun              |
| 137. Pi Tingzavah         | 138. Dr. M. Limlunthang Zou  | 139. Rev. Hauzalian Manlun | 140. P/P Suangliankap          |
| 141. Rev. Ginlianmang     |                              |                            |                                |

## LIFE MEMBER-TE

- |                            |                          |                       |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau   | 03. (L) Pu Selzapau   |
| 04. Pu L.C. Pautungnung    | 05. (L) Pi Khamkhannieng | 06. Pi Ngaiunuom      |
| 07. Upa Chinsuanthang      | 08. Upa Shanti Kumar     | 09. Pu Kamkhohau      |
| 10. (L) Pu Khamkhohau      | 11. Upa Khamzathang      | 12. Upa Chinkhanthang |
| 13. Pu (L) Tongzathang     | 14. Pi Chiinneilam       | 15. Upa Kulthang      |
| 16. H/Sm. Upa Kaichinpau   | 17. Pi Niangzalam        | 18. Upa P. Doukholun  |
| 19. Pu Kapminlian          |                          |                       |

*Undelivered*

Please return to:

*The Editor*

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: [zousynod.org](http://zousynod.org) | email: [info@zousynod.org](mailto:info@zousynod.org)

[zpcs@rediffmail.com](mailto:zpcs@rediffmail.com)/[zousynod05@gmail.com](http://zousynod05@gmail.com)

To,

---

---

---